


Bu eserin;
kataloglanması, dijital ortama aktarılması ve
elektronik ortamda kullanıma sunulması
İstanbul Kalkınma Ajansı (İSTKA)'nın desteğiyle
İBB Kültür ve Sosyal İşler Daire Başkanlığı
Kütüphane ve Müzeler Müdürlüğü (Atatürk Kitaplığı)
tarafından gerçekleştirilmiştir.

Proje No : İSTKA/2012/BİL/233
Destek Programı : Bilgi Odaklı Ekonomik Kalkınma Mali Destek Programı
Projeyi Destekleyen : İstanbul Kalkınma Ajansı (İSTKA)
Proje Adı : Osmanlı Dönemi Nadir Eserlerin
Kataloglanması, Dijital Ortama Aktarılması ve
Elektronik Ortamda Kullanıma Sunulması
Proje Sahibi Kuruluş : İBB Kültür ve Sosyal İşler Daire Başkanlığı
Proje Yüklenicisi : Yordam BT Ltd. Şti.
Proje Uygulama Yeri : Kütüphane ve Müzeler Müdürlüğü - Atatürk Kitaplığı
İSTANBUL – Beyoğlu



3781




İSTANBUL
BÜYÜKŞEHİR
BELEDİYESİ
ATATÜRK KİTAPLIĞI



Tank Tunay tarafından verilmiştir.
18 İKİ 1195 5

مرأت
بایزید بسطامی
ابوالحسن الخرطانی



محرری :

خواجہ زادہ : احمد حلمی

معارف نظارت جبلہ سنک فی ۲۶ تموز سنہ ۳۱۷ غازی

۲۵۶ نومرولی رخصت نامہ سیلہ شرکت مرزبہ مطبعہ سنہ


طبع الشہد

در سعادت

۱۳۱۹

جناب واهب الآمال خليفة رسول رب
العالمين امير المؤمنين پادشاه عميم النوال وشهريار
كريم الخصال افندمن حضر تلريني بالشوكة
والاجلال سرير شوكت مصير خلافتنا هيلنده
هميشه دائم وبرقرار بيورسون آمين .

اعظم اولياء الالهدن بايزيد بسطاي قدس
سره العالي حضر تلريله ابو الحسن الخرقاني
قدس سره حضر تلرينك ترجمة حال قدسيت
اشتمالاريني متضمن اولان اشبو اثر حقيرانه
بك چوق تتبعات وتدقيقاتك محصول نتايجي
بولتمق حسييله مندرجاتك مقرون حقيقت
بولنه جنى وبناء عليه مظهر رغب واعتبار



ISTANBUL
BÜYÜKŞEHİR
BELEDİYESİ
ATATÜRK KİTAPLIĞI

اوله جنی امیدیه طبع و نشرینه جسارت ایلدم
 سلسله علیه نك حضرت بسطامی به قدر
 صورت و رودینی کو سترمك لزومی درکار
 اولسنه مبنی بوجهت دخی رساله به علاوه
 وبالوسيله حضرات قدسیت سمانك مختصراً
 ترجمه حالری تسطیر اولمشدر. ومن الله التوفیق
 خواجه زاده : احمد حلمی

بِسْمِ اللَّهِ الرَّحْمَنِ الرَّحِيمِ

سلسله مشایخ نقشبندیه قدس الله
 اسرارهم علیه

منبع فیض

(سیدالتقلین امام الحرمین وجد الحسین علیه
 احسن الصلوة والسلام اقدمن حضرتلری)

§

بردر دیدی آشنای وحدت

موج احديث احمدیت

§

اعاظمك حقیقت محمدیه و معجزات و سیرت سنیّه
 نبویه فی مبین کتبخانه دهره برکدار ایلدکری بوقدر
 تألیقات نفیسه خلاصه سنی بویه کوچک بر رساله به
 صفشدرمق هرکسک کاری و باخصوص اسرار
 حقایقندن بحث ایتمک بزم کبی مایه لرك موافق دأب
 و شعاری دکلدر. بنابرین یالکر بیلنمسی واجب اولان
 حلیه شریفه لرینک در حلیه تشرف واکتفا اولادر.





سرور انبیا ، رهرو مسافر خانه قاب قوسین
 اودانی ، مظهر و ماصدق ماضل صاحبکم و ماغوی ،
 بلبل خوش نوای و ماینطق عن الهوی ، متعلم مدرسه
 علمه شدید القوی ، واقف رمز لیلۃ الاسراء ، کاشف
 سر علم الاسما ، هادی السبل املح الرسل اقدم
 حضرتلری اوزونه قرب اورتہ بویلی تام الاعضا
 اندامی متناسب اجل و اکمل بشر ایدی . اعتدال
 اوزره بیوک باشلی هلال کی انچه قاشلی چکمه برونلی
 آزدکر می چهره لی جسم پاک کی قرمز یه مائل
 بیاض و تابدار و مبارک دیشلری سیرک و اینجو کی
 آبدار و روتقدار و شریف و محترم صقالی تام و اینچنده
 اینجی بکر می تل قدر بیاض و ار ایدی .

﴿ نعت نبیده سولینمش ﴾

واحسن منك لم ترقط عینی
 واجمل منك لم تلد النساء
 خلقت مبرء من كل عیب
 کأنک قد خلقت کما تشاء
 هجرت سیدہ لرینک اون برنجی سالنده التمش اوج
 یاشنده تبدیل عالمه میل و رغبت بیور مشلردر .
 صلی الله تعالی علیه وسلم .



مدار تسلیت ای شهریار کشور حکمت
 عصاة امته و عد استدیکک فیض شفاعتدر
 ثنا خوانک خدادر خادمک جبریلدر آرتق
 بزہ قلش وظیفه و ارایسه عجز و ضراعتدر



یار غار شفیق حضرت ابا بکر الصدیق

رضی الله تعالی عنه

محرم احوال و اسرار پیامبر سر هنک قوافل مهاجر
و انصار سید اهل تجرید افضل ارباب تفرید خزینہ
علم و حلم حضرت صدیق اعظم و اکرم اسم پاک
عالیسی عبدالله بن عثمان القریشی کنیه لری ابن قحافه
مولد سنه لری مکہ مکرمه در .

§

عتیق و صدیق القاب جلیله جمیله سندن در . جلالت
قدرینه « واذ بقول لصاحبه الخ » آیت کریمه سنک
نژولی « و افضل الخلاق بعد الانبیا » و « ماصب
الله شیئا علی صدری الاوصیته علی صدر ابابکر »
و « لو کنت متخذاً خلیلاً لا اتخذت ابابکر خلیلاً »
و « خلقت انا و ابو بکر من طینه واحده » احادیث
شریفه سنک صدوری بیوک دلایل در .

§

هر چه در صدر نبی ریخت خداوند ز رفیق
او ز شفقت همه در سینه صدیق بر ریخت

§

(روح الکائنات) علیه افضل الصلوة افندمن
حضرت لری لیلہ معراجده بلا واسطه اخذ و تلقی
بیور دقلری ذکر خفی غار معروفده رفیق شفیقی
اولان جناب صدیق عتیقه زانوشین اولوب چشمان
حقایق ینانی قبالی اولدینی حالده اوج دفعه تلقین
و تعلیم بیور مشلردر .

§

سلسله علیه نقشبندیه جناب « صدیق اکبر »
رضی الله عنه افندمن حضرت لری نه او واسطه ایله
منبع فیضه اتصال ایله .

§

حضرت صدیق رضی الله عنه افندمن فناده فرد
کامل ابدی . (من اراد ان ينظر الى ميت يمشی علی
وجه الارض فلينظر الى ابی قحافه) حدیث شریف
بونی مؤیددر .

§

حضرت صدیق علم سابق، فهم صائب، شدت
صراحت، قوت انصاف، صحت توفیق، صدق تحقیق
احبابندن ایدی . پدر و مادری و اولادی و اولاد
اولادی عموماً احباب کرامندن ایدی . بو فضیلت
سائر لری نه نصیب اولماشدر .

§

اوزون و قلب الهام جلبیری خشیت الله و شدت حب
رسول الله من متادياً محزون ایدی رضی الله تعالی عنه

§

کیمک کیم مرشدی اوله پیبر
اولور غیرندن البتیه بهتر

حضرت صدیق قولاً و فعلاً و عقلاً و نية
صادق ایدی . محبوب رب العالمین جناب (اجمل
المرسلين) علیه اکمل السلام اقدمزک اوغورینه
مال و جائی فدا ایتشلاک اقدمیدر .

§

حضرت صدیقدن یوز قرق ایکی حدیث
روایت اولمشدر الیسنده مسلم و بخاری متفق اون
ایکسنده بخاری برنده مسلم منفرددر باقیسی کتب
احادیث سائرده مسطوردر

§

حضرت صدیق التمش اوج یاشنده زینت بخش
عالم دیگر و جسد اسمدرلی روضه مطهره داخلنده
شرفیاب قرب پیغمبر اولمشدر صوکه سوزی «توفی
مسلماً و الحققی بالصالحین» آیت کریمه سیدر

§

حضرت عتیقک (ازاد ۱۳۳۱) تاریخ ارتحالیدر .

§

مبارک وجهی و صقالی بیاض و حیینی واسع
کوزلرینک کاسه سی چقورجه صقالنک ایکی طرفی
سیرک کندولری ضعیف البدن قامت شریفلری آز

جناب صدیقك مشهور مناجاتیدر

جد بلطفك يا الهی من له زاد قليل
مفلس بالصدق يأتي عندباك يا جليل
ذنبه ذنب عظيم فاعفر الذنب العظيم
انه شخص غريب مذنب عبد ذليل
منه عصيان ونسيان وسهو بعد سهو
منك احسان وفضل بعد اعطاء الجزيل
قال يا ربی ذنوبی مثل رمل لا يعد
فاعف عني كل ذنب واصفح الصفح الجميل
كيف حالي يا الهی ليس لي خير العمل
مسوء اعمالی كثير زاد طاعاتي قليل
عافني من كل داء واقض عني حاجتي
ان لي قلباً سقيماً انت من يشفي العليل
قل لنار ابردى يارب في حقك كما
قلت قل يا نار كوني انت في حق الجليل
انت شافي انت كافي في مهمات الامور
انت ربی انت حسبي انت لي نعم الوكيل
رب هب لي كنز فضل انت وهاب كريم
اعطني مافي ضميري دافي خير الدليل

هب لنا ملكاً كبيراً نجنا مما نخاف
ربنا اذ انت قاضر والمنادي جبرئيل
اين موسى اين عيسى اين يحيى اين نوح
انت يا (صديق) عاصي تب الى المولى الجليل



İSTANBUL
BÜYÜKŞEHİR
BELEDİYESİ
ATATÜRK KİTAPLIĞI

سلمان فارسی حضرتلری رضی الله عنه

سلسله‌ك منبع علم وجود و حكم افندمن
حضرتلردن اشاعی طوغری اوخجیسی سلمان
فارسی حضرتلردر کبار صحابه کرامدن واهل
صفه‌دن و آل بیت رسولدن معدوددر علم باطنی صدیق
اکبر حضرتلردن اخذ و تلقی بیورمشاردراصفه‌ناده
رامهرمز و یاخود خیران نام قریه‌دندر

§

دیار فرسیدن مدینه منوره‌یه هجرت و ازلی
اولان کوهر کرانه‌ای ایمانی اظهار و اشاعتله یک
چوق میل و نوازشه مظهر اولمش اجله همنشینان
جناب رسالتنهایدندر

§

مشارالیه حضرتلری مدینه منوره‌یه عزیمتلرنده
بولده قریظه یهودیلری اله کچمش و هجرت سنیه
نبویه‌دن صکره رارالق هر فصلیه فرصت بولوب
حضوره دخول ایله سرگذشتی سراپا اول چاره
سازبچارکانه عرض و اعلام‌ایتدکده درحال اوچیوز
خورما اغاحنی شامل برانچه و فرق و قبه [*] التون

[*] وقیه سکر درهم نسبتنده اولدینی تحقیق قلمشد

بها ایله اسهل نام یهودیدن میایعه و ازاد و دلشاد
بیورلمشدر

§

یوز الی ویا اوچ یوز الی یاشلرنده ایکن
هجرتک اوتوز بشنجی سنه‌سنده بغدادک جانب
شرقیسنده کائن مداین قصبه‌سنده صفه نشینان
روضه جنانه التحاق بیوردقلری مروی ایسه‌ده
امام شعرانی حضرتلرینک طبقاتیه سائر بعض آثارده
مشار ایله حضرتلرینک ایکی یوز الی سنه عمر
سوردیکی یازلمشدر

§

جناب سلمان بغدادی بکزی کوزل یوزلی
اوزون بویلی و البسه‌سی اشاعی یوقاری صاندینی
برر پشمال ایله عامه‌سندن عبارت اولوب همیشه
احرام بند حرم وصال ایش

رضی الله تعالی عنه



قاسم بن محمد [۱] رضی الله عنه

بایهٔ رابع حضرت قاسم مدرکه جناب صدیق اعظم رضی الله عنه اقدم حضرت تریک حفیدر اکابر تابعین وفقهای سبعمدن و ظاهر و باطن علمنده زمانک فریدی ایدی نسبت و ارادت لری سلمان فارسی رضی الله عنه حضرت لردن اولوب مبارک کنیه لری ابو عبدالرحمان و صاحب طیلساندر

§

جناب قاسم رضی الله عنه (۱۰۸) تاریخ هجریسنده عزم کاشنسرای عالم عقبا بیورمشلردر.

§

جناب قاسم اسم بکرلی مبارک کوزلری و صقالی سیاه و ایکی طرفی جد اعلالرینه مشابیه اولهرق سیرک و قامت موزونی اوزون و ناصیه لرنده کثرت سجوددن واضح و منور بر علامت وار ایدی خشیت الهیهدن دایما کریان اولوب کوز یاشنک هر وقت جریان ایلدیکی کوریلوردی رضی الله تعالی عنه

✽

[۱] جناب محمد صدیق اعظم رضی الله عنهک مخدومی اولوب اونیدی تاریخ هجریسنده ارتحال دارنیم بیورمشلردر.

امام جعفر صادق رضی الله تعالی عنه

اول غنجه کزار ولایت نازنده خاندان نبوت انوار عیون امت اولان ائمه اثنی عشرک التنجیمی و محمد باقر حضرت تریک مخدوم عالیسی اولوب کنیه لری عبداللهدر اکثر طرق صوفیه حضرت امامه پیوسته در



مشار الیه حضرت تریک ایکی جهتہ نسبی ثابتدر. بریسی والده محترمه لرینک پدری قاسم بن محمد رضوان الله علیهم اجمعین حضراتی واسطه سبله جناب صدیق اکبر اقدمزه و دیگریده زین العابدین و اورادن جنبی امیر المؤمنین شاه ولایت عرصه شجاعت ابو التراب (امام علی) کرم الله وجهه و رضی الله عنه اقدم حضرت تریک و اشو ایکی وساطت جمیله و محترمه ایله نسلاً و نسباً (سید السادات) علیه احسن الصلوة اقدم حضرت تریک اتصال ایلر.



جناب امام مدت عمر لربك قسم كلیسی عزت
و ازواده كیروب حقیقت محض اولمشیدی حق
سفیان ثوری رضی الله تعالی عنه حضرتلری بر
ارالق امامك عزلتخانه سنه كیدوب آفتاب جمال
فرخنده فاللری طلعتنه احباغایت مشتاق وشوریده
حال اولوب فوائدانقاس قدسیه لرندن انلرك محروم
ومحزون ایدلماسنی نیاز اتمسبله شمدی عرض
جمال وقتی كجدی بیورمشلر وبو مضمونده فم
کوهی بارلرندن لمعان ایدن بر قطعه عربیه جکر
سوز ايله احوال عالمدن بك مؤثر بر صورته
شکایت ایدرك ازای بوزمامشلردر




حضرت امامك سادات امت و کبار اهل بیت
نبوت بیننده کمال فضل وتقوی ايله ظاهر و باطنی
معمور ایدی امام بخاری حضرتلری علم توحیدده
کلماتك فلیسی حضرت امامدن صدور اتمشدر
بیورمشلر . §


مقالات جامع الفیوضانی شاگرد معرفتی
ابوموسی جابر بن حیان الصوفی الطرسومی طرفندن
جمع و تالیف ایدیلهدك بشیور رساله بی مشتمل بر
کتاب اولمشدر



جناب امام ایچریدن مبارک کلبرك بدنه غایت خشین
و آنک اوزرینه پک نفیس وفاخیر البسه کیردی واقف
اولوبده سؤال ایدنلره البسه تك خشین جناب
حق وظریفی سزك ایچون اختیار ایلدم دیرمش



الشمش بش وبرروایتده سکسان یاشلرنده ایکن
یوز قرق سکرنجی سنه هجریده مدینه منورهده
داخل دواتسرای عقبا اولمشاردر .
بقع شریفده قبه حضرت عباس رضی الله عنهده
دفین خاك عطرنا کدر .



حضرت امام قزمزله قارشیق بیاض رنگلی
کوزل یوزلی اولوب مبارک سر حکمت مقررلی
بیوکه شاه ولایت امام علی کرم الله وجهه افندمن
حضرتلرینه مشابه ایدی .

رضوان الله علیهم §

در خرم حرم کعبه وصلش نرسی
دست در دامن اولاد علی تانزی



بایزید بسطامی قدس سره العالی

سرور اقطاب دین، برهان اولیاء العارفين،
بایزید بسطامی قدس سره العالی حضرت تیرنگ جدلری
سروشان قبول اسلامدن اول صاحب نفوذ و اعتبار
بر مرد عالیتار ایدی. ابوالبراهیم عرنه‌ک مخدومیه
سروشانک مودت و مصاحبتی اولمقله پدری بومیل
و محبتک اسبابی سؤال ایدنجیه: سروشان اخلاقی
کوزل مسافر پرور سخی بر ذاتدر دیه جواب
ویرمشدرد. بونک اوزرینه ابوعرنه اوغلنه سروشانه
سوله یاننه کیده جکم دیر. سروشان ایسه فوق العاده
بر احترامله قبول ایده جکنی عرض و مکمل برضافت
ترتیب ایلر. طعام حاضر اولنجیه مشارالیه ابوالبراهیم
عرنه سروشانه بر تکلیفم وارد سزدن قبولی رجا
ایده جکم. اسعاف اولمقدجه طعامکری تساول
ایده میه جکم دیمسی اوزرینه سروشان قبول ایده جکنی
ایما ایتدیکندن تکلیفم قبول اسلامدر بیوردیلر.
و بوتکلیفی متعاقب سروشان کلمه منجیه شهادتی جهراً
سویله‌رک اظهار اسلام ایلمشدرد.



سروشان شرف اسلامله مشرف اولدقدنصکره
قرآن عظیم الشانی تعلم و حفظ ایلمش ایدی. سروشانک
مخدوم عالیقدر لری و حضرت بایزیدک پدر و الا کهر-
لری عیسی دخی عالم وزاهد و محبت علما و فضلیه
راغب بر ذات ستوده صفات ایدی. حجاز مغفرت
طرازه عزیمت ایدوب عودتی اثناسنده باغدن چیقان
برایرماغک صوینده برالما کورمش و آتوب یاریسی
یمشدی. فقط صاحبی بیلمدیکی المانی بدیکنه نادم
اوله‌رق باغک قابوسنه واروب باغباندن حلال ایدلمسی
رجا ایتدیسده باغک صاحبی شامده بولمقله حلال
ایده میه جکی جوانی المسی اوزرینه شامه کیدرک
باغ صاحبی بولوب استحلال ایتک ایتدیسده
عیسانک ورع و اتقاسنی کورن صاحب باغه کور
و طویال بر قیزم وارد آتی نکاحله المقدجه حلال
ایتم دیدیکندن بالمجوریه رضا کوستره‌رک کریمه‌سی
آتوب حلال ایتدیرر و قیزی خانه‌سته کتیرنجیه باذن الله
تعالی تمامیله کسب صحت ایتدیکنی کورر.

§

بودر عصمتدن آدم، طیفور [۱] و علی، نامنده اوچ
اوغل ایله ایکی قیز دنیا به کاشدر. بونلردن صاحب
[۱] اسم شریف لری طیفور اولوب کنبه‌لری بایزیددر،

ترجمہ حضرت بایزید حنفیہ اجرا قناتن تدقیقات
تدقیقہ سندہ کتابک نہایتندہ عرض اولنہ جنی اوزرہ
تاریخ وفاتلری (۱۶۱) سنہ ہجریہ سنہ مصادف اولسنہ
و عمر شریفلری (۷۳) سنہ دن عبارت بولسنہ نظر آ
(۸۸) تاریخندہ تولد بیورمش اولد قار آکلا شلمقندہ در.



مخدوملریک ہیسی زاهد و محب قوی ایدیلر.
فقط اور تاجہلری اولان بایزید جملہ سنہ ازہر جهت
فائق بر نادرہ فطرت و اسنہ کبری ایدی .



مر ویدر کہ ابو علی شقیق بن ابراہیم البانی
حضرتلری حجه کیدر کن بسطامہ او غرامش و بر
مسجددہ وعظ ایتدیکی انساندہ پدري وفات ایدن
بایزید محلہ چو جقلری ایچندہ اوسار و آرالقمہ
مسجد قبوسنہ کلہرک براز دیکر تکرار او بونہ طالار
ایدی . شیخ حضرتلری بولسی سعادت قشانی
کورنچہ حاضر اولانرہ بوجو جق اولیاء اللہدن بر
مرد عالیقدر اولہ جقدر دیہ تبشیر ایدر .

بواشارت علیہی ایشیدن والدہسی فوق الحد
نمون اولہرق تعلیم و تربیہ سنہ حصر دقت ایدوب

قرآن عظیم الشانی تعلیم ایچون براستادہ تودیع ایدر.
بایزید حضرتلری اودر جہ فرط ذکایہ مالک ایدی کہ
استادنن بردقمہ ایشندیکی در حال حفظ ایلر و بعض
آیات جلیلہ تک معانی شریفہ سی معلمنن صوراردی
حق برکون سورہ لقمانی اوقور کن « ان اشکر لی
ولو الدیک الخ » آیت کریمہ سنک معناسی استاددن
استفسار ایدر و معناسی آکلانچہ اذن آلہرق در حال
خانہ سنہ عودت ایدر . والدہسی بوکون وقتسز
اولہرق نیچون عودت ایتدک دنجہ بوکون بر آیت
کریمہ اوقودم کہ جناب حق کندیسنہ وسکا خدمت
ایتمہی امر اید بیور . یا بنم ایچون اللہدن تضرع
ایت سکا خدمت ایدہ یم . یا خود براق دائما عبادت
خدا ایلہ مشغول اولیم . والدہسی ای مردم دیدم
سنی اللہ بر اقدم ہر وقت اللہلہ اول دیر .



منقولدر کہ . بایزید بسطامی حضرتلری هنوز
یدی باشندہ ایکن بحر مکاشفہیہ مستغرق اولوب
مشاہدہیہ تلاشی بولنوردی والدہ سنکدہ شقیق
بلخی حضرتلریک آثار نبشراتی کوردکجہ مسازی
تضاعف ایدردی .



بر مهتابده بایزید حضرت تری برندن قالدق ورق بر
صحرا به طوغری روان اولغله والده سی دخی آرقه سی
صره حرکت ایتدی بر ساعت قدر ایلر ولینجه آتی
ذاته تصادف ایلدی شیخ حضرت لینه سلام ووروب
الندن طوته رق یولدن بر طرفه چکیدیلر بر لکن
واریق کتوروب شیخی صویدیلر بر پشتهال باغلیه رق
توضی و غسل ایتدیردیلر بعده بیاض بر خرقة
کتوروب کیدردیلر بر کلاه و صاریق باشنه قویدیلر
بر چفت نعلین ده ایغنه کیدردیلر .

صوکره شیخ حضرت تری اوتورده رق مکالمه
ومصاحبه ایتدیلر . والده سی یانلرینه کیده رک سلام
ویرر ودرکه بو بنم اوغلمدر . سزى طانیه میورم .
آنلردیرلرکه بز بو وجود پرسودی ارایورز بو ذات
عالیقدر بزه پیشوای طریق اوله یقندن علامات
صوفیه اولان بو خرقة وکلاه هنوز یدی یا شسته
بولنان بایزید بسطامی حضرت لینه بعد الفسل اکسا
ایدیله جکدر . قطب دائرة وجود پیشوای عارفین
بو ذات اوله جقدر . بزه بو وظیفه بی ایشا اتمک ایچون
بورایه کلدک . اوغلنک باشنه قونان بوهای سعادتدن
طولای و والده سی سرشک مسرت دوکه رک بن بونسز
راحت ایده هم دیسی اوزرینه آنلرده اوغلک دائمًا

خدمتکده بولنه جقدر دیه رک بایزید حضرت تری نیک
کوزلری اوپوب وداع ایدوب کیتدیلر . فقط بایزید
حضرت تری آنلرک غیوبتدن متأثر قالدیقندن قولاغنه
شویله بر صدا کلیر : (اعطاء رک قبل ان سألته واحبابک
قبل ان دعوته) یعنی جناب حق قبل السؤال مطلوبی
ویردی و قبل الدعا حاجتکی اسعاف ایلدی . نه کیم
شیخ شبلی حضرت لرندن مرویدرکه قلوب عارفین نه به
مشاقدیر دیه صورلتنجه : ازله حضور حقه مظهر
اولدقاری وقت حقارنده نه صورته تقدیر الهی جریان
ایتدیکنه مشاقدیر بیورمشلردر .

طبقاتده شیخ عبدالرحمن السامی بیورمشلرکه :
بن ابتدا دوت شیده یاکلدم . ظن ایدردم که بایزید
بسطامی حضرت تری ذکر ایدر ، آنی بیلیر ، آنی
سور ، آنی طلب ایدیورم . صوکره آکلادم که
آنک ذکرى بنم ذکر مه سبق معرفتی بنم معرفته
تقدم ایتش محبتی بنم محبتدن اقدم ایتش او اولا
خی طلب ادوب صوکره بن آنی طلب ایتشم ، یعنی
مطلوب طالب اولمک که طالب طلبنده موفق اولسون

« بیت »

جانب معشوقدن اولمزسه محبت عاشقه
سی عاشق عاشقی محبویه ایصال ایلمز

حاصلی شیخ حضرتلری (الجفة تحت اقدام الامهات)
حدیث شریفنک سربینه مظهر اولیق فکر بله والدهسی
بر حیات اولدجقه خدمت مادره ملازمت ایلمشدر .



بو خصوصی تأیید ایدن روایاندندر که غایت
صوغوق بر کیجده والدهسی صوصامش اولدینی
حاله او یوبه قالمشدی . اوغلی النده دسقی طوته رق
والدهسنگ او یاتسقی آیاقد بکلیوردی . والدهسی
اویاتجیه یا طیفور صو ویر دیمکله النده کی صو
دستیسقی اوزادنجیه والدهسی المقی ایچون چکدیکندن
شدت سرمادن الی دسقی به بایشمش وانجماد ایش
اولدیفندن التک ایچی بتون صوبولدی و بو حالی
کورن والدهسی یارب ! بن طیفوردن حشونودم
سن ده آندن راضی اول دیر



وینه مرویدر که بازید بسطامی حضرتلری
بر کیجه خانه سندن چیقارکن والدهسی اوغلم قیوی
یارم آجیق براق دیر قیوی تام یارم آجیق براقه .
ییلیمک ایچون ناسحر وقته قدر اوغراشیر وقیوی
بلا زیاده وتقصان یارم آجیق براقیر وحقيله ایفاسنه
جهد ایتدیکی خدمتدن طولانی الدینی دعای خیر
برکانيله کندیلرینه ابواب معرفت و اخلاص وتوحید
واختصاص مفتوح اولمشدر .



شیخ المشایخ عبدالله داستانی حضرتلری
بیوردرلر که سرور عارفین بازید بسطامی اوچوز
اون اوچ استاذه خدمت ایتمشدر . اک صوکی امام
جعفر صادق رضی الله عنه حضرتلریدر . جعفر
ایکیدر دیالارک قوی محض وهمدر .



شیخ حضرتلری ارباب اسرار واقطابدن یک
جوق ذواته خدمت ایتمشدر . تابعینسندن حسن

بصری وابن سیرین و وهب ابن منبه حضرت تریزه
یتشمش ایسه ده شرف ملاقات تریزه مشرف اوله ما-
مشردر . فقط انقاس قدسیه لرندن استفاضه ایشمشردر .

۱۱۷ تاریخنده ارتحال دار بقا بیوران و مالک
بن انس حضرت تریزه استادی اولان امام نافع
حضرت تریزه قتاده حضرت تریزه یتشمشدر (۱۲۰)
تاریخنده وفات ایدن محمد بن واسع حضرت تریزه
شرف صحبت علیه لریزه مشرف اولمشدردر .

مالک بن انس حضرت تریزه ۱۳۶ تاریخنده وفات
ایدن مالک بن دینار ، ۱۴۲ تاریخنده وفات ایدن
زهری کی ذوات کرامک معاصری اولوب آنلره
ملاقات ایتسیده محتملدر .

۱۵۰ تاریخنده ارتحال دار جنان بیوران امام
اعظم ابو حنیفه حضرت تریزه وابن صریح ۱۴۸ ده
وفات ایدن ابن ابی لیلی ۱۴۶ ده وفات ایدن کلجی
مفسر ۱۴۴ تاریخنده وفات ایدن جریری ۱۶۱ ده
وفات ایدن سفیان ثوری ۱۶۵ ده وفات ایدن داود طائی
۱۸۱ ده وفات ایدن عبدالله بن مبارک وامثالی ذوات
عالیه نك معاصری اولوب (الناس معادن کعدان
الذهب والفضه) مضمونجه معادن فیض ومعرفت

وتقوی اولان ذوات مشارالیه مبدن اقبال انوار
فیوضات ایلمشدر .



بر آرد لوق کل کزار خاندان نبوت امام جعفر
صادق رضی الله عنه حضرت تریزه کورمک آتش
اشتیاقی کندیسنی ملاقاته جذب و تحریک ایتدیکندن
مقصد اقصای عشاق اولان امام شارالیه حضرت تریزه
دار فیض قرار لریزه واروب بر مدت خدمت
علیه لرنده بولمشدر . حتی آکا بر علمای اسلامیه دن
مولانا فخر الدین رازی حضرت تریزه کتب کلامیه دن
اولان مؤلفاتنک اکثر یسنده بالمناصبه و شیخ عطار
قدس سره حضرت تریزه (تذکره الاولیا) نام اثر لرنده
بیوردر لره افضل مشایخ و سرور اولیا ابو یزید
بسطامی قدس سره حضرت تریزه امام جعفر صادق
حضرت تریزه دار سعادت قرار لرنده خدمت سقایی
ایفا ایدوردی .

بر کون امام جعفر صادق حضرت تریزه بایزید
حضرت تریزه صوفیه کی طساقک اوزرنده کی کتابی
کتیرملری امر بیورملری اوزرینه حضرت
بایزید قتی طاقدر دیه سؤال ایدنجه حضرت امام
بیوردر لره بو چوق مدندر بزم صحبت مزده بولنه .
یورسک طساق کورمدمکی حضرت شیخ بن طاق

ورواق کورمک ایچون کلدن نظرم قبله مقصود
اولان دل قدسیت مؤلیکزه در دیه عرض حالده
بولتور . بونک اوزرینه امام جعفر حضرتلری
حضرت شیخه باقدرق (بن سنده مجاهده ومباحده
کور ییورم . ای بایزید باری بسطامه کیتده نشر
فیوضات ایت) دیو رخصت بیوره رق مملکتته
اعزام ایتشدرد .



پیر مشارالیه حضرتلری جعفر صادق
حضرتلرندن ظاهر آکسب فیض ومعرفت بیوردقلری
کی تبیان وسائل الحقایق فی بیان سلاسل الطرائق
نام کتایبده محرر اولدینی اوزده «شیخ داعی»
حضرتلرندن آنلرده شیخ المشایخ شهاب الدین
حضرتلرندن آنلرده شیخ محمد قرا حضرتلرندن
آنلرده سیدابو الفضل حضرتلرندن آنلرده سلمان
فارسی حضرتلرندن آنلرده صدیق اکبر رضی الله
عنه حضرتلرندن اخذ طریق وکسب فیض ومعرفت
بیورمشلردرد .

§

جناب بایزید فضیل بن عیاض حضرتلرندن
دخی اقتباس انوار فیوضات ایتشدرد . جناب

فضیل بن عیاض حضرتلری ابی عتاب بن منصور
ابن معمر السلمی الکوفی حضرتلرندن آنلرده
ابی بکر محمد بن مسلم بن عییدالله الزهری
حضرتلرندن آنلرده محمد بن حبیرونوفی حضرتلرندن
آنلرده والد ماجد لری سیدنا حبیرونوفی بن مطعم بن نوفل
الصحابی حضرتلرندن آنلرده صدیق اکبر رضی
الله عنه الاظهر حضرتلرندن اخذ فیض ومعرفت
بیورمشلردرد . (تبیان وسائل)



İSTANBUL
BÜYÜKŞEHİR
BELEDİYESİ
ATATÜRK KİTAPLIĞI


استطراذ

بازید بسطامی حضرت تری امام جعفر صادق
حضرت تری نك طوغریدن طوغری به جسمایت
قدسیه لرندن استفاضه انوار سعادت ایلدیکی محقق
ایکن بعض متأخرینك یالکز روحانیلرندن اقتباس
فیوضات ایش اولدیغی اراداتیلری جای استغرابدر.
چونکه سلسله شریفه نك حضرت صدیق اعظمه واصل
اولدیغی اسانید حبیحه دلائله متبیین اولغله آنلرک توهم
ایتدیکی انقطاع سلسله نقشبندیه قولى تماماً مخالف
حقیقتدر. بازید بسطامی حضرت تری نك امام جعفر صادق
حضرت تری له ملاقات ایدوب خدمت موجب المفخر تری نده
بولدیغنه (خزینة الاصفیا) صاحبك (بازید بسطامی
حضرت تری نك لقب شریفلری طیفور بن عیسی بن
آدم بن سروشاندرد. ذات عالیقدرلری امام جعفر
صادق حضرت تری نك اعظم خلفاسندرد. حضرت
امامك نعمت معارف لرندن فیوضات وفیره به نائل
واولیا کاملین زمره سنه داخل اولدقن صکره
مملکتته عودت بیوردیلر قولى کبی وثائق حقیقیه
شهادت واسرار التوحید فی مقامات ابی سعید نام

کتاب لطیفده وفخر الرازی مؤلفاتك اکثر یسنده
و شیخ عطار قدس سره (تذکره الاولیاء) نام
کتابلر نده شیخ رضی کتاب الطرائفده علامه حلی
تجرید اوزرینه اولان شرحنده بو حقیقی تبیین
ایتدکن صکره معارضینك روایات معکوسه سنه
اعتبار اولغامق طبعیدر.

شو ایکی روایت یسنده کی مباحثی رفع وتالیف
ایچون بعضلر ایکی بازیدک وجودینه قائل اولوب
بری طیفور السقاء درکه اصل امام جعفر صادق
ملاقات و خدمت ایدن بو ذات اجلدر. ایکنجیسی
اولیادن بشقه بر بازیددر دیشلر. حالبوکه ابوزهری
الاندلسی کی برمدق و محقق تاریخنده حضرت بازید
امام جعفر صادق رضی الله عنه له ملاقات ایدوب سنین
متعدده خدمت ایتدیکی و جانب جعفر صادقدن شیخه
طیفور السقاء تسمیه ایدلدیکی کال وضوحه یازیور.
اسمده اشتراک کثیر الوقوع ایسه ده شیخ
امام جعفر صادق رضی الله عنه له ملاقات ایتدیکنه
و مقدماتک شهادته قناعت ایمین متأخرینك دعواسی
مسموع اوله ماز چونکه تحقیق سلسله ده مأخذ

متقدمینک آثاریدر . بو آثاره اعتماد ایتمایلرک تدقیقاتی
عندی اوله جغندن قرین قبول اولماق بدیدر .



جناب شیخ روشن ضمیر بسطامه عودتندن
صکره پک چوق تشنکان فیوضات کندیلرندن
استفاده واستفاضه ایتمشدر .

منقولدرکه حضرت شیخ ، امام جعفر صادق
حضرتلرندن بعد المفارقة والدہ سندن اذن آلهرق
حجاز مغفرت طرازه کیمشدی . قافله حجاجک
بسطامه عودت وتقرب خبری کلنجه بتون بسطام
اهالیسی استقباله حاضرلندقلری شیخک معلومی
اولدقدہ رفقاسندن ایلولیهلرک شهره وارمش و خانه سہ
کیردیک وقت والدہ سی آبدست آلب سجاده اوزرنده
(فاجعل افئدة...) آیت جلیله سنی تلاوت ید یوردی .


مشارالیه ، والدہ سنک بوتضرعاتی ایشیدینجه
آغلایه رق یوزی اوستی قانیدی . وقیوبی جالیدی
والدہ سی کیمدر دیمکه صداسنه مشتاق اولدیک
اوغلکدر دیه جواب ورر . والدہ سی آغلایه رق
قیوبی اچوب «طیفور سنک فراق و هجرانکدن طولایی
آغلایه آغلایه کوزلم علیل اولدی . سنک بارغمکه

طاقث کتوره میوب بلیم بوکولدی . ارتق بنم حجتی
ترک ایتمه دیر « بوندن صکره شیخ حضرتلری
بسطامده قالبو نشر معرفت وفیوضات ایش و ذات
قدسیت آیاتلرندن پک چوق تشنکان رشحات فیض ،
استفاضه ایلمشدر .



نقل اولنورکه حضرت شیخ مکہ مکرمه دن
عودتلرنده بلده همدانه اوغرا یوب بر مقدار (معصفر)
تخمی اشترایدرک بر طوز بهیه قورلر بسطامه واصل
اولدقلرنده اشمالرینی ایندیره رک تخم طوز بهیه سنی
آجدقلرنده ایندیه بر قاج قارنجه کورلر و (بو
قارنجه لری کندی بولرندن جدا اتمک شان مروت
اوله مز) دیو تکرار همدانه عودتله او تخمی آلدقلری
دکانه براقورق بسطامی تشریف بیورلر .

شیخ حضرتلری عشقده استغراقی عبادات
وطاعاتده مجاهده یی اولدرجه به وارد برمش ایدی که
غازقلار کی جناب حقه هیت و جلالتندن و شریعت
مطهره به کال تعظیمندن ناشی کو کسنک کیکلری
غیرداد یعنی یاننده بولناتلر ایشیدرلرایدی .



شیخ عطار قدس سره (تذکره الاولیاء) نام و کتابلرنده
بیور مشارد که یوسف بخورانی نامنده بر ذات امتحان
قصیدله کرامت طلب ایدره که حضور بازیده کلور
حضرت شیخده « بز کرامت و خارقه لری می آکا
حواله ایتدک وارا آکایت » دیومریداندن شیخ
ابوسعید راعی حضرتلرینه کوندیرر . بو اشارت
اوزرینه یوسف بخورانی شیخ ابوسعید راعی حضر-
ترلرینک نزد عالیرینه کیتدکه شیخ مشارالیه مجراده
تماز قیلمقده و قوردلر ایسه قیونلرینه جوابانلق
وبکجیلک ایتدکه اولدیغنی کورر . مشارالیه ابوسعید
راعی حضرتلری نمازدن فارغ اولدیغنی زمان یوسف
بخورانی کندولرندن تازه اوزوم ایستر . شیخ راعی
حضرترلرینه در حال النده بولسان عصاسنی ایکی
پارچه ایدوب بر پارچه سنی کندی طرفنده دیگر
پارچه سنی یوسف بخورانی طرفنده یره دیکسنی
متعاقب بحکمته تعالی آصده حاله کلره که تازه اوزوم
ورر . فقط شیخ راعی حضرتلری طرفنده اولان
بیاض یوسف بخورانی طرفنده اولان سیاه رنگلی
اوله رق ظهور ایدر . یوسف بخورانی رنگلرک
اختلافنه باعث نه اولدیغنی سؤال ایلدکه شیخ راعی
حضرترلری (بن جناب حقدن علی طریق الیقین ایستدم

سن علی طریق الامتحان ایستدک بناء علیه هر شیدک
رنکی کندی حالنده اولمق طبعیدر (جوانی و پررلر .
بعده یوسف بخورانی به برکلم یرره رک ابووجه محافظه
ایتمسنی تنبیه ایدر . یوسف بخورانی کلیمی آلوب
حجه کیدر عرقانده مذکور کلیم غائب اولور بعدالحج
بسطامه عودتنده کلیمی شیخ مشار الهک اوکنده
بولور و حضرت بازیدکی بر ذات عالیقدردن کرامت
طلب ایتدیکنه جان و دلدن ندامت ایدره رک توبه
واستغفارله مریدانی عدادینه داخل اولور .



حضرت بازید فوق العاده عالم و فاضل اولدیغنی
کلی طبیعت شعریه سی دخی وار ایدی . شو رباعی
جملة اشعار طایرلرنددر .

ای عشق تو کشته عارف وعا میرا
سودای تو کم کرده نکدر نامیرا
شوق لب میگون تو آورده برون
از صومعه بازید بسطامیرا



مشارالیه حضرتلرینک جسم پاک عالیرینک لونی
بیاض بوی اوزون و مبارک صقالی سیرک ایدی .



پیر مشارالیه حضرت تری اثنای وفات لرنده (آلهی
ماذ کرتک الاعن غفلة و خدمتک الاعن فترة) دیو
بیور مشلر در .



از تحالیری محمد بن حسن بن عبدالله بن محمد بن ابی
القاسم الحسینی الشافعی الواسطی حضرت تری نک (مجمع
الاحباب و تذکرة اولی الباب) نام کتاب لرنده محرر
اولدینی اوزره یتیمش اوج یاشنده اولدقلری حالد
هجرت جلیله نبویه نک (بوزالتمش بر) سنه سنده در .
قبر شریفلری بسطامده زیارتگاه انامدر . قدس الله
سره و نقعنا بیرکاته و فیوضاته آمین .

یارب بنی ارباب دله یار ایله



مولانا خالد قدس سره الواحد حضرت تری نک
دهلی به عزیمت لرنده بسطامه اوغر ادقلری زمان جناب
بایزیدی زیارتده انشاد ایستدقلری مناجاتدر .



یارب بحق تربت قطب بایزید .
یارب بحق طینت برهان بایزید .
یارب باشیانه شهباز لامکان .
یعنی بقرب و مغزلت جان بایزید .
یارب بحق وسعت آن مشرب کرم .
یارب به تشکلی فراوان بایزید .
یارب بسوز سنه آن پیر نیک بخت .
یارب بنور مشعل ایمان بایزید .
و ز حضرت غلام علی نایر الحسن .
یک یک بحق جمله مریدان بایزید .
بر خالد شکسته ییجاره غریب .
بکشادری ز مخزن عرفان بایزید .
لب نشنه زلال هدایت بود ورا .
سیراب کن ز قلزم احسان بایزید .
اورا بخود رسان و ز خود بیشین زهان .
اوهم یکی شود ز غلامان بایزید .



شیخ الشیوخ ابوالحسن الخرقانی

قدس سره السامی

اسم شریفی «علی بن جعفر» در قطب زمان
وغوث دوران ایدیلر.

صاحب مثنوی مولانا جلال الدین رومی قدس
سره السامی حضرت تریسک روائتیه کوره بایزید
بسطامی حضرت تری حال حیائنده ابوالحسن الخرقانی
[۱] حضرت تریسک مردانته خبر و بره رک اوصاف
ومقاماتک علوتفی بیان بیورمشلردر. فی الحقیقه
ابوالحسن خرقانی حضرت تری جناب بایزیدی رؤیاده
کوردیکنی ومظهر ارشاد اولدیفنی حکایه واون ایکی سه
حضرت بایزیدک تربه شریفه سه مواظتیه روحانیت
بایزیددن طریقت علییه اخذ و بوضوئیه علوم
ومعارف الهیه فی تلقایه ترفیع مقامات عالیه ایدرک
زماننک فریدی اولدیلر.



[۱] خرقان راکت تخیله بسطام مضافاتندن برقریه تک
اسمیدر.

شیخ مشارالیه حضرت تری بایزید بسطامی
حضرت تریسک روحانیت علیه لرندن کسب فیض
ومعرفت بیوردق تری کی [۱] ظاهر ادخی ابومظفر
مولانا ترک الطوسی حضرت تریسک انلرده خواجه
ابی یزید عشق حضرت تریسک انلرده خواجه محمد
مغربی [۲] حضرت تریسک انلرده بایزید بسطامی
حضرت تریسک اخذ طریق وکسب فیض ومعرفت
بیورمشلردر.



[۳] قطب الاقطاب ابوالحسن الخرقانی حضرت تری
ابی العباس محمد بن احمد بن عبدالکریم القصاب
الاملی حضرت تریسک انلرده محمد بن عبدالله طبری
حضرت تریسک انلرده ابی محمد احمد بن محمد الجریری
حضرت تریسک انلرده سید الطائفة الصوفیه جنید
بفسادای حضرت تریسک انلرده سری سقطی

[۱] مکتوبات، جواهر الخس لحضرات القوث، خزینة
الاصفیاء، تیان وسائل، شطاریه، غوثیه سلسله نامه لرنده
سلسله شریف بو وجهله یوریدلشدور.

[۲] یوز یکری ایکی سنه معمر اولمشدر خزینة
الاصفیاء.

[۳] تفحات، تیان وسائل.

حضرت تارندن آنلرده معروف کرخی حضرت تارندن
آنلرده داود بن نصر الطائی حضرت تارندن آنلرده [۴]
امام اعظم ابو حنیفه نعمان بن ثابت حضرت تارندن
آنلره جعفر صادق حضرت تارندن آنلرده قاسم بن
محمد حضرت تارندن آنلرده سلمان فارسی حضرت تارندن
آنلرده حضرت صدیق اعظم رضی الله عنہ
اخذ طریق و کسب فیض بیور مشردر.



[۵] ابوالحسن الحرقانی حضرت تری ابو مظفر
مولانا ترك الطوسی حضرت تارندن آنلرده ابی یزید
عشق حضرت تارندن آنلرده شیخ قوام الدین حسین
حضرت تارندن آنلرده شیخ نجم الدین بسطامی
حضرت تارندن آنلرده جمال الدین بسطامی حضرت تارندن
آنلرده شیخ المشایخ عمر الدرهمی حضرت تارندن
آنلرده شیخ ابی بکر امنانی حضرت تارندن آنلرده
ابراهم کنانی حضرت تارندن آنلرده ابو موسی الدیلمی
حضرت تارندن آنلرده سر دفتر اولیا بایزید بسطامی
حضرت تارندن اخذ طریق و کسب فیض و معرفت
بیور مشردر.

[۴] رساله قشیریہ دن نقلاً طحطاوی.

[۵] تیان وسائل.

مئة ولدرکه حضرت شیخ لاجل الزیاده ربّه
بایزیدہ کیتدیکی زمان ایاق اوزری طورہ رق وظیفه
زیارتی ایفادن صکره (ای بار خدا بایزیدہ عطا
و بخش واکسا بیور دیفک لباس معرفندن بر نصیبیدہ
عزت و جلالک حقیچون ابوالحسن قولنه احسان
والباس ایله) دیو تضرع و استرحامده بولنوب
عودت ایدردی وائسای عودتسده ربّه شریفه
بایزیدہ اصلا ارقه سنی دو نمزدی و تسو نمازیله
صبح نمازینی قیلاردی. اون ایکی سنه صکره
اشارت حضرت بایزید ایله مسند ارشاده کلوب
نشر طریقته مأمور اولدی وکذلک امر حضرت
شیخ ایله اوراده فاتحه شریفیه بدأ ایله خرقانه
کلتجه به قدر قرآن عظیم الشانی ختم ایلیوب علوم
ظاهره و باطنه ابوابی ذات عالیقدر لرینه فتح اولدی.



جمله کراماتندن اولسق اوزره نقل اولنورکه
رقافله خلایق حضور شیخه کلره ک (بولر قورقولیدر
بزه بر دعا تعلیم بیوریکز) دیو استرحام ایتملریله
جناب شیخ (اووقت ابوالحسنی خاطر یکره کتوریکز)
بیورر لر. حضرت شیخک بو کلام حقائق انجایی
خوشلرینه کیتمز. یولده اشقیبا ظهور ایدرکه

جمله سنك مال و متاعلری آولرلر يالكر حضرت
شيخي تخطر ايدن بر شخصه و ماله ضرر كلز.
بو حاله ارقداشلىرى تمجب ايدوب سيني سؤال
ايدرلر اوده (حضرت ابوالحسن) ياد ايتديكمده
سلامتمده قالدم) جوابى ويرر.




كذلك حضرت شيخك مخلصلرندن برى
غايه مؤلم براغرى به مبتلا اولوب اطبانك معالجاتى
مثمر اولمىز نهايت شيخ مشاراليه عرض ايدلمى
اوزرنيه بابوشلرني ويرهك (اغرى محلته وضع
و مسح اولنمى) امر بيوررلر بر موجب امر وضع
ايدللكده بعنايته تعالى شفا حاصل اولور.



شيخ حضرتلرينك صيت وكرامت و آواز
ولايتلى ابو على سينانك مسموعى اولدقده
لاجل الزياره خرقاهه عزيمتله حضرت شيخك خانمسنه
كيدر . مشاراليه حضرتلرى او صرمده صحراده
بولنديقلرندن خاتونندن سؤال ايدر موسى اليها
احوال عاليه شيخي منكر اولديفندن بر طاقم ناسزا
سوزلرده بولتور . ابن سينا قادينك سوزلرينه


اهميت ورميوب شيخ حضرتلريله ملاقاتى وحييه دن
عد ايدرك صحرا جهنمه متوجه اولديفنده حضرت
شيخ برارسلانه اودون يوكلتهرك كللكده اولديفنى
كورر (اى ابوالحسن بونه حالدري) ديو استفسار
ايلمسيله (بز او يمزدهكى قوردك باركران بلاسنه
تحمل ايلديكمز سبيله بو ارسلانده بزم يوكزى
چيكور) ديو جواب ويررلر .



حضرت ابوالحسن مريدانه بعض مواظاره سنده حكمه
جمله مجاهداتندن اولهرق «نغم قرق ييلدير رايچم
صفوق صو ياخود براكشى عيران ايسسته يور
ورميورم و جنساب حق قرق ييلدير كوكله نظر
ايدسيور كندو سندن بشقه سنى كورميوره بيور مشلردر .



شیخ حضرتلری دائماً مریدانسه «کوکلرک»
روشنی آنده ماسوی و عمللرک احسنی آنده مخلوق
فیکری اولمیلندر نعمتلرک اطیبی جهد ایله حاصل
اولاندر و رفیقلرک خیرلوسی زندکانیسی حقله حاصل
اولاندر بیورر ایدی .



شیخ مشارالیه حضرتلرینک آداب طریقی
حاوی (اسرار سلوک) نامنده برساله لری اولوب
صلاح الدین عشاقی قدس سره طرفندن ترکیبیه
ترجمه اولمشدر .



شیخ صاحب العرفانک ارتحاللری قریب
اولدقده (بلده بسطامک زمینی خرقانک زمیندن
دها یوکسک اولغله بنم جسم حضرت بائزیدک
جسم پاکندن دها مرتفع بر محله بولنسی مقایر
ادبدر بناء علیه بنم قبری دیکرلرندن اوج آرشون
دها درین حفر ایدیگر) دیه وصیت بیورمشدر
وارتحاللرنده وصیتلری رینه اکتورلمشدر . مزار
پرانودلری اطرافقده بر ارساللک خیلی زمان
دور ایتدیکی کورلمشدر .



بیرمشارالیه حضرتلرینک قبرعالیلری اوزرینه
هرکیم الینی وضع ایدرک جناب حقندن مقصودینک
اسعاف بیورلمسنى تضرع ایدر ایسه بعنایته تعالی
اثر اجابت مجرب اولدیفنی صاحب (تذکره الاولیاء)
شیخ عطار قدس سره حضرتلری روایت
بیورمشلردر .



اول کان مروت هجرت جلیله نبویه نک
(۴۱۹) ویا (۴۲۵) سنه سی یوم عاشورایه مصادف
صالی کونی ارتحال دار نعیم بیورمشلردر .
قدس الله سره ونفعنا ببرکاته وفیوضاته آمین .

یارب بنی ارباب دله یار ایله



İSTANBUL
BÜYÜKŞEHİR
BELEDİYESİ
ATATÜRK KİTAP

مجموع رجال طریقه تمزک بروجه آئی اسمائی
شریفه سی اون ایکیش حرفدن متشکل اولسی تصادفات
حسنه دندر .

« محمد رسول الله » صلى الله عليه وسلم
« ابو بکر الصديق » رضى الله عنه
« سلمان الفارسی » رضى الله عنه
« قاسم حفيد صديق » رضى الله عنه
« امام جعفر صادق » رضى الله عنه
« بازید بسطامی » قدس سره
« پیر محمد مغربی » قدس سره
« سیدنا شیخ عشق » قدس سره
« ابو المظفر ترك » قدس سره
« ابو حسن خرقانی » قدس سره
[١] « ابو علی فارمدی » قدس سره
« ابو یعقوب يوسف » قدس سره
« پیر عبد الحقائق » قدس سره
« پیر خواجه عارف » قدس سره

[١] « ابو القاسم علی ، حضرت ابو عثمان ، ابو علی
الکاتب ، ابو علی ردباری ، جنید البغدادی ، بیه سرى السعفی ،
شیخ معروف کرخی ، حضرت داود طائی ، نعمان ابن ثابت ،
اما جعفر صادق .

« محمود الفغنوی » قدس سره
« شیخ علی عزیزان » قدس سره
« پیر بابا سماسی » قدس سره
« السید امیر کلال » قدس سره
« محمد النقشبندی » قدس سره
« حضرت محمد عطار » قدس سره
« پیر یعقوب چرخى » قدس سره
« شیخ عبید احرار » قدس سره
« قاضی محمد زاهد » قدس سره
« پیر درویش محمد » قدس سره
« خواجگی امکنکی » قدس سره
« محمد باقر هندی » قدس سره
« احمد الفاروقی » قدس سره
« پیر محمد معصوم » قدس سره
« حضرت سیف الدین » قدس سره
« پیر محمد النور » قدس سره
« جان جانان مظهر » قدس سره
« عبدالله دهلوی » قدس سره [١]
« ابو سعید مجددی » قدس سره

[١] « شیخ خالد مجددی ، عبدالله المکی ، مولانا شیخ حسن ،
حضرت محمد شمسی .

رجا

بورسالة عاجزى به نظر بيوران اخوان ديندن
رجا اولنوركه خطاسنى قلم عفو ايله تصحيح وبو عبد
عاجز الفقير السيد احمد حلى ابن السيد الحاج حافظ
محمد خلوصى النقشبندى المعروف باشر فزاده بن السيد
الحاج عمر شعبان بن السيد الحاج محمد درويش بن
السيد الحاج عثمان بن السيد الحاج محمد بن السيد الحاج
صالح بن السيد محمد اشرف بن السيد حسن اشرف
شروانى اليجاوى الخلوئى ثم الاكفى ايله متعلقاتى
خير دعا ايله تذكر بيورم.

اللهم اغفر له ولوالديه ولاصوله ولفروعه
ولاساتيده ولشايخه ولاخوانه ولجميع المؤمنين
والمؤمنات وصل وسلم وبارك على جميع الانبياء والمرسلين
واللهم وعلى اهل طاعتك اجمعين والحمد لك يارب
العالمين امين يا مجيب السائلين .

(يارب بى ارباب دله يار ايله)



« احمد سعيد صاحب » قدس سره [۱]


« شيخ عبد الرشيد » قدس سره

« شيخ عثمان نورى » سلمه الله

« شيخ محمد خلوصى » سلمه الله



بو حساب انساينده تبركا عبد فقيرك دخى
اسمى ملاحظه ايلدم واقعا « احمد ابن خلوصى »
لفظنك جامع اولدني حروف دخى عدد مذكوره
موافق اولمى باعث مفخرت اولدى شو تصادف
حسندين رساله داعيانمك نشرندن طولاي ارواح
خواجكانك شادان اولدقربني ملاحظه ايله تقال
ايلدم (محرر مرات احمد) « محرر كتاب احمد »
لفظى دخى عدد مذكوره موافق لكشدر .



[۱] حاجى دوست، محمد ملاقطار كسفرى،

حضرت حسين حبيب .

